

寧澹齋全集

詩部二

詩

寧澹齋全集卷之四目錄

五言律詩

登招寶山

寄懷孫稚繩年丈二首兼以志感

春朝漫興

袁繩武謁選北上因懷文榮公

憑虛閣三首

秋日趨朝時 賜熊經畧尚方劔及白金

文綺予以捧 勅紀事

送嚴爾施內弟南還壽母

香山次韻

夏日宴王駙馬園亭

送詹思理年丈之任遂安

邨舍

淳安早發

抵新安過竹嶺關望三天子都

新霽登華頂偶見三鹿逸出

謁玄帝殿

題雲巖

躋齊雲絕頂

弘濟寺

將下雲巖

別業

夏日同姚汝行小讌

秋宵即事

守歲

遊叢山寺呂氏小淇園三首次楊修齡侍

御韻

送姚子雲赴省試

秋夜有懷

清道觀仝王劉二生少選

邢內翰母八十

送姚去文南還

恭謝 晉藩二首用來韻

冊封還宿鳴謙驛

小憇香山寺

東光道上仝莊仲肩年丈談及邊事

嘉禾道中

西湖夜泛二首

武林苦雨

渡錢塘

清興

寄永嘉令陸仲謀年丈二首

連山驛即事將爲天台之行時辛亥春日

也

過竹溪

宿國清

望桃源

馬家山

陸石屏畫隱

立春日道中

新秋試草

秋望二首

送姚椽之任泲橋

水雲樓望月

詠史

送李輔之兄弟北上

贈奉邑大令

飲署中即事

送蘆海上人還越

補遺

壽筵志喜

端午日家宴紀事

京口與伯兄話別

壽蘇志喜

蘇貴

武成廟主人對妓

滄署中慨事

觀水邑大令

遊本舖之小園

荷史

寧澹齋全集卷之四目錄 終

寧澹齋全集卷之四

句章楊守勤克之甫著

同社姚孟燿汝行甫校

五言律詩

登招寶山

梵宇臨滄嶼朝暎映海潮蛟門紛蜃氣蓬島出  
霞標浪湧千巖白帆輕一葉飄縱觀殊浩渺吾  
意欲凌霄

寄懷孫稚繩年丈二首兼以志感

避形防射影暢飲爲澆愁阿世原非好匡時未  
有籌西山驚薄暮遠道隔深秋寄語雲霄客年  
來已倦遊  
世路紛難定憂深鬢獨星迂人虞拭唾多病慙  
長醒愛讀無心傳閒書道德經臨流堪把釣應  
不羨侯鯖

春朝漫興

山色向春榮花開錦作城鳥含青入障蜂採綠  
還營客帽頻簪翠姝裙競染蘅何當吟興發把

酒和倉庚

袁繩武謁選北上因懷文榮公

鼎石餘風在華簪喜屬君揚鞭歸鳳闕落筆動  
燕雲推轂多元老論交有俊羣好繙宣室事惆  
悵續遺文

憑虛閣三首

傑閣俯層陰登臨物外心荒烟迷遠塞高樹市  
深林鐘鼓迎風出鶯花逐影侵閒情寄山水誰  
復問朝簪

玄宮木末迴樓閣望中開鳥革驚千仞雲梯接  
五臺塵空沙漠外人似日邊來壯志冲霄漢留  
連未肯回  
殘虹明遠浦片雨洗平疇戶敞埜雲度堦空瀑  
水流舞因花影亂曲和鳥聲悠日暮渾忘返高  
眠傍斗牛

秋日趨朝時

賜熊經畧尚方劔及白金

文綺予以捧

勅紀事

大武當秋序趨朝及曉籌飛書驚絕幕命將塵

宸旒劔賜行樞重金頒內府優敢虛扶轂意指  
日滅東窗

送嚴爾施內弟南還壽母

送子出通津涼颼乍捲塵正宜東去客偏惜北  
留人入境村醅熟歸家舞彩新相期重握手韶  
令及三春

香山次韻

尋山至山寺得意却忘山巖樹坐來靜僻蘿春  
自閒樓臺星斗上鐘磬翠微間頓覺塵寰遠清



溪踏月還

夏日宴王駙馬園亭

聯騎尋芳徑誰家醉碧筒屏開都尉府門接帝王宮繁吹喧庭鳥高歌過澗松閒亭幽意足坐月喜當空

送詹思理年丈之任遂安

縮綬向專城秋風曉露行蘆花飛祖席柳色傷崑程蹟弔嚴陵古竒探天目清武疆山最峻應與治齊名

邨舍

邨舍無竒玩開門剩有山烟霞時聚散麋鹿任遊閒藤杖溪邊出樵歌日暮還乾坤方浩蕩人世樂仙關

淳安蚤發

溪棹凌晨放朦朧月漸明風濤衝岸急林樹遶涯平遠寺鐘初寂荒村鷄乍鳴何因勞跋涉慙愧此身輕

抵新安過竹嶺關望三天子都

筍輦過竹嶺天際見雄關擬挾三都賦還更萬  
疊山地分吳越界人寄水雲間塵慮今朝息仙  
原似可攀

新霽登華頂偶見三鹿逸出  
百折登華頂秋空正午晴萬山皆培塿一柱獨  
孤撐鹿自峰頭下雲從杖底生竦身一凝眺咫尺是瑤京

謁玄帝殿

寶殿通玄極嵯峩貫斗牛雲翻龍甲動霧擁鼎  
烟浮法雨飛神劍靄光護帝丘呼嵩臣子意爲  
祝萬年秋

題雲巖

萬疊雲巖勝雲飛巖欲飛空花隨雨散鳴鳥避  
寒稀峭壁捫蘿上芒鞋踏翠歸浮生祗鹿鹿誰  
啓白雲扉

躋齊雲絕頂

幽探窮絕巖秋色正霏微步曳星辰履身披雲  
霧衣搏風疑象舞驂月見鸞飛便欲騎鯨去長

從白帝畿

弘濟寺

乍劈雲房出旋扶海市懸濤聲平厯寺石罅曲

藏天一水明寒日千峰澹夕烟如聞超曠劫曾

否問桑田

將下雲巖

奇岩誰削就截業費躋攀境接蓬壺迴人隨鶴

鹿還倚天飛劍氣下榻臥雲關何日辭塵鞅從

茲學駐顏

別業

白社棲遲久青門不復遊雨餘看鳥過日暮見

雲流剪韭迎來客烹茶訪比丘幽情誰可語溪

畔有羊求

夏日全姚汝行小讌

春光不覺度維夏忽相催麗日浮新竹融風長

細蕙傳杯涼閣快分韻雅歌來薄暮餘清賞遲

歸興未回

秋宵即事

涼颼亂槐影皓月映青蕖醉舞起栖鳥豪吟出  
游魚登臺近星漢橫笛飄華裾身世在何所翩  
翩凌太虛

守歲

旅邸逢除歲杯殘興轉悠拚將一夕醉送却百  
年愁爆竹寒銷焰燈花笑吐毬明朝有嵩祝喜  
得獻螭頭

遊叢山寺呂氏小淇園三首次楊修齡侍

御韻

名園無異植入眼盡琅玕地煖生孫茂林深送  
響寒石欄題翰藻苔徑積文癡使者停飛蓋檀  
藥不厭看

文安崇秩祀拓宇秀峯前入廟思鴻烈承家有  
象賢門留槐栢古沼泛荇蘋鮮瞻對情無限譚  
餘坐屢遷

層臺凌越嶠萬頃映郊園竹底笙璫奏空中鷄  
犬喧天風飄月樹雲影度仙旛恍坐瓊樓下相  
邀倒玉尊

送姚子雲赴省試

蘭鷁錢塘遠  
檣烏帶月衝  
吳山遡立馬  
雲物正從龍  
蓉鏡瓊霄下  
銀盤桂影重  
前程從此發行矣  
快遭逢

秋夜有懷

夜色深秋迴  
繁星動九天  
槐陰泣踈露  
鷗影亂前川  
旅服驚砧斷  
寒衾帶月眠  
最憐邊塞客  
萬里又孤騫

清道觀仝王劉二生少選

春郊乘曉麗  
玉殿泛霞觴  
霧捲晴嵐盡  
花翻暖色香  
塵談傾逸少  
道奧闡劉商  
滿座清歌發行歸  
赴夕陽

邢內翰母八十

鳳闕傳綸日  
萱庭設悅時  
和熊先世業  
舞綵百年期  
入饌江魚美  
流芳庭樹滋  
願言綬後祿  
袍笏疊孫枝

送姚去文南還

秋色那堪別  
懷君故國心  
長途驚落葉  
止宿怕

寧澹齋全集卷之四  
聞砧匣劍光侵斗囊詩韵擲金重來飛蹠躩寧  
許滯家林

恭謝 晉藩二首用來韵

秋爽開藩邸磐宗意氣豪傾葵朝玉節拜扇繡  
麟袍道接河汾近名逾梁苑高金閨陪燕席醉  
德過醇醪

天潢崇大雅折節禮儒流設醴因交穆雕龍欲  
掩劉和顏非飾貌忠計總藩周宸眷方深渥褒  
恩下藪旒

册封還宿鳴謙驛

兩度鳴謙驛停驂倦解衣地高霜氣早雲暗夜  
光微鼓角催行急鄉關入夢稀喜將王事畢矯  
首望朝曦

小憇香山寺

修程動百里徃徃餉僧居法鼓迎官急禪房爲  
客虛桃花成井落雲水接郊墟不覺泥塗澀看  
山興有餘

東光道上同莊仲肩年丈談及邊事

長途多寂寞一夕遇同心對此清尊飲賡來白  
雪吟憂時懷杞慮報國矢葵忱廟算應全勝相  
期聽捷音

嘉禾道中

蘭槳春朝發逶迤驛路賒風來澤國好景入秀  
州嘉酒綠涵山影船香度菜花夜深乘月去疑  
是泛星槎

西湖夜泛二首

畫舫開偏晚看山數舉盃輕波鷗細逐遠浦雁

初迴鼓枻移颿迅漁歌應拍摧不堪愁思切回  
首憶南陔

援琴兼載酒與客泛湖中搖蕩波心月輕揚鏡  
面風荷筒多出水鳥影自翻空露下忘衣溼豪  
吟氣吐虹

武林苦雨

旅館孤燈夜何當積雨深鐘聲寂遠寺鳥語斷  
疎林密洒桃含醉濃拖柳暗金明朝儻開霽曳  
杖看湖陰

渡錢塘

曉發錢塘渡寒潮勢未平江豚迎楫舞沙鳥背  
人鳴倏忽陰晴變蒼茫烟霧橫怪來風浪惡偏  
向浙中生

清興

遠樹千村合疎陰一派流亭涵秋水碧徑轉遠  
林幽疑有高人隱應無俗轍留飛塵不到處清  
興自悠悠

寄永嘉令陸仲謀年丈二首

我愛東甌令官閒晝尚眠華岩時檢石西榭日  
鳴絃瑞育生芝室庶無對菊錢仁風何以洽耕  
耨在情出

大化無言溥精心自作人菁莪時布雨丘壑遍  
生春竹筍東南盡鷓鴣次第新九重嘉績最青  
瑣遲賢臣

連山驛即事將為天台之行時辛亥春日  
也

迢遞上連山山青澗水環松濤來海嶠鳥語出



禪關村酒沽方熟  
篝車載未闌  
淳風過蟋蟀樂  
意任閒閒

過竹溪

剽有登臨興  
行行度竹蹊  
幽花迎客笑  
好鳥向人啼  
拍手敲泉石  
忘機友鹿麕  
勛名寧靜裏  
切莫負岩栖

宿國清

恣討天台勝  
山靈聚國清  
龍吟雙澗合  
虎踞五峯明  
金地通華蓋  
瑤池映赤城  
夜來鐘磬寂  
九

里送松聲

望桃源

不入桃源路  
那知仙境幽  
掩蹊紅葉亂  
出岫白雲悠  
藜杖花間植  
僧茶竹下留  
何時謙塵鞅  
長此足優游

馬家山

躡屩登懸嶺  
捫蘿入翠烟  
松高盤笠鶴  
風急舞孤鳶  
稻擁雲中錦  
岩飛日下泉  
憑虛疑羽化  
舉手欲擎天

寧波齋全集 卷之四  
陸石屏畫隱

君家二陸後墨妙發奇葩蕭瑟成丘壑霏微  
日霞輞川詩意好茗水筆鋒嘉聲價方珍重逃  
名傲物華

立春道中

臘意中宵盡春風傍曉生埜塘水轉綠江寺雪  
初晴農事占泥犢羈懷聽谷鶯故山梅正發誰  
寄欲歸情

新秋試草

溽暑初收夜商風薦爽時納涼松牖榻邀月竹  
林卮漫續悲秋賦閒吟招隱詩溪泉堪洗耳高  
臥復奚疑

秋望二首

碧落搖晴閣江潮入望賒波光平檻漾帆影度  
簾斜秋色催新菊涼颺送晚鴉悠然動離思極  
目盼歸艤

忽漫驚秋序涼侵雁字斜風高空埜馬水濶掩  
平沙颯颯舞楓葉盈盈垂蓼花搗衣知幾處懷

古欲長嗟

送姚椽之任泖橋

青瑣舊家聲  
春風捧檄行  
柳催征騎緩  
酒破客愁輕  
泖水烟波濶  
茸城夜月明  
莫嫌官况薄  
民事頗關情

水雲樓望月

雨過月初出  
輕雲澹欲流  
影穿松舞鶴  
光射穴鳴猴  
對酒成幽賞  
凭欄愛水樓  
好吟清夜曲  
餘思轉悠悠

詠史

我愛陶彭澤  
幡然遂故衣  
折腰非足耻  
易祚已  
知幾粟里籬  
邊菊首陽山  
上薇王弘徒  
送酒能  
否識淵微

送李輔之兄弟北上

一編華萼集  
三絕羽儀家  
驛路初聯轡  
長安驟看花  
臨池星落影  
揆藻日生霞  
遲我高陽飲  
相期在及瓜

贈奉邑大令

茂宰清名久官衙僧舍如花開  
葉几靜鳥落訟庭虛推案看山暮  
扶犁及雨餘何時來奏最應入史臣書

飲署中即事

署靜鶯啼樹天炎竹送涼庭前看雨過  
堦下試流觴煩慮隨風遣閒吟託興長  
未須然燭坐後月射迴廊

送蘆海上人還越

曾演空王教疑從折葦來有才通七聖  
無劫度

千灰持鉢過燕市參禪上五臺松枝東越轉知是法師回

補遺

壽筵志喜

家嚴初度邁酌酒向花前危坐能終日  
高歌勝少年盡忠頻誨子入道不因仙  
宦髮飄銀燭賓朋各蹶然

端午日家宴紀事

日邊逢午節家慶浴芳筵共喜恩光被  
還將樂

寧澹齋全集卷之四  
事傳獻符堪鎮惡繫縷益長年自愧承惟淺携  
孫拜膝前

京口與伯兄話別

相與臨流話行將把袂分桑梓同繫戀鴻燕乍  
離群隴墓兄長倚風塵弟日慙停杯懷涕泗望  
殺太行雲

寧澹齋全集卷之四終

寧澹齋全集卷之五目錄

七言律詩

闕湖偶題

賦得霜前白雁

憶同館却寄

登龍泉山謁孫王二先生祠

送馮正子太史還朝

琦兒出贅北上別于吳門

過臨海縣

桑林驛

宿天台慧明寺 有小別門

石梁

明巖

九日憐芳菊二首 閣試

送虞思敬年丈司李開封

送唐欽甫世兄奉使便道南還兼柬令弟

諸兄

西山曉望

至日用杜韻成篇 館課

贈吳上于年丈冊封秦藩便道上太夫人

壽

題羅高君夢鳥軒

曲水流觴 館課

登臺有懷

姚汝行入燕未幾遽聞母訃奔程迅速予

莫能留也言贈短章用節哀思

寄懷張無始年丈

送人遊武夷

賦得明月照積雪  
仝丘遠程年丈

送劉獻之年丈之任南海  
情奔豈及懸

題墨梅為高光祿

送楊九翼年丈出守漳州

羸洲亭夜坐

送張景明侍御歸蜀

壽樊繼宸年祖八十

姚子雲南還志別

歸第夜作

翼日志喜呈唐顧二座師

歸第謝許大京兆

初月小集

寄張咸仲姻丈時出守雲間

德卿兄初度遙祝此首

送韓崇雅年丈冊封蜀藩

讌楊總戎園亭得波字

天津夜泊悵焉有懷

南旺喜雨

舟過廣陵有懷支蘭室老師不勝西州之

慟焉

寄劉君東孝廉

毘陵逢蔡憲使為供扇頭之役

輓陳憲長白野先生

無題

用李義山體

壽封侍御牟仁宇先生二首

寧澹齋全集卷之五目錄

寧澹齋全集卷之五

句章楊守勤克之甫著

同社姚孟燿汝行甫校

七言律詩

闕湖偶題

湖光山色總堪題萬頃蒼烟入望迷雉堞連雲

波岸迴虹橋漾月水天低闕峰閣倚華巖畔環

碧亭開虎石西况有名賢遺澤在漫將粧點羨

蘇堤



賦得霜前白雁

盧龍塞外早寒歸忽訝風前一雁飛  
漢月落痕迷素影楚江如練舞清輝  
聲傳孤戍驚迴首夢斷深閨急擣衣  
嘹唳霜天同曉角頓令秋色滿皇畿

憶同館却寄

長安詞客故風流紫陌青山並轡遊  
載酒每因花信發聯詩多爲月明留  
陽春調入松風引曲水觴牽魚藻浮  
我輩襟情良不淺百年勝事在

瀛洲

登龍泉山謁孫王二先生祠

三月晴濤飛舜水一天春色滿龍泉  
風流江左追遺事寂寞蘭亭憶遶年  
大節千秋垂汗史良知一脉揭心傳  
名祠並峙清江上仰止高山在目前

送馮正子太史還朝

仙帆高掛指蓬萊縹緲波光拂檻來  
鶴禁久遲經術重鳳池還聽履聲回  
天邊瑞露濡萱砌日

下紅雲映玉臺此去定開鈴閣兆江亭何日再  
啣杯

琦兒出贅北上別于吳門

阿兒弱冠赴燕臺握別姑蘇話未開北地風霜  
宜保重南天雲樹漫徘徊黃金舊有涓人價白  
雪新依郢客才此去勉旃成學業好音遙望日  
邊來

過臨海縣

籃輿迢遞度章安村落紆徐路尚寬地應台垣

仙窟近城臨江海郡齋寒長林雨歇開新霽落  
日潮平縱大觀却笑風塵空役役經過此地重  
盤桓

桑林驛

山坳古驛少逢迎舉醜長吟對短檠林外埜禽  
鳴皓月桑間寒犬吠明星陰晴幾向秋風卜潮  
汐遙從曉日生此去石橋應咫尺漫教車騎促  
巖程

宿天台慧明寺

有小引

由連山歷緱城度松門嶺至慧明禪寺  
寺在層山疊嶂中門臨方池庭栽修竹  
蒼松翠柏森列左右門旁有鐘樓自丙  
辰兵燹天台諸寺鐘俱索鑄兵器獨此  
鐘賴一邑丞百計護藏得無毀蓋吳越  
王時物也始自華頂遷國清後因此山  
有九龍潭時作怪雨又遷以鎮之鍾製  
甚渾樸色如髹漆扣之聲振山谷九龍  
潭一名靈澤瀑布怒飛望之神聳蓋自

緱城入台爲第一勝云

松門歷盡上茲山紆宇參差碧沼環松下挂衣  
僧意靜竹邊聽偈客心閒鐘移華頂層樓聳龍  
起靈湫瀑布灣明到石橋尋往蹟夢中應不忘  
躋攀

石梁

誰將玉斧割鴻濛特駕飛梁絕壑中千尺垂虹  
懸斷峽一溪瀑布瀉晴空梯雲棧道知難並泛  
月靈槎倘許通五百應真何處覓空令游客想

僊風

明巖

明巖峰與響巖連洞裏虛涵小有天滿峽烟霞  
翻照壁緣溪竹筧曲通泉風傳石罅清音轉月  
上松門斤影懸應有靈光照心膽欲從此地挾  
飛仙

九日憐芳菊二首

閣試

搖落菟園景色荒却憐藜菊殿羣芳霜前細葉  
還凝翠露下繁英忽散黃寒餌釀和歸藥鼎幽

葩入佩襍萸香宜人最是東籬畔寂莫千秋意  
更長

滿城風雨九秋天醉把黃花綺席前秀質獨凌  
霜色豔芳心偏浥露華鮮壺觴已動高秋感松  
柏同看晚節堅此日詞臣舒彩筆樂遊苑上有  
佳篇

送虞思敬年丈司李開封

暫典刑章入洛城廟廊經濟早知名下車未問  
封狐種破膽先令埜鬼驚中嶽秋風迎駐節吹

臺夜月動歌聲遙瞻德采輝光處會有徵書下  
帝京

送唐欽甫世兄奉使便道南還兼柬令弟

諸兄

皇華使者鳳池仙自是君恩屬象賢乍擁紫駟  
過北塞旋乘青雀下南天月明柳上芙蓉好露  
浥庭中棣萼鮮寄語景光須自愛承家報國總  
仔肩

西山曉望

春日登樓望曉晴西山咫尺雪峰明殘梅尚宿  
林間雀嫩柳初啼陌上鶯寥落邨墟烟火寂參  
差宮闕凍雲橫支願獨坐寒猶凜何處山童弄  
笛聲

至日用杜韻成篇

館課

叨從簪筆侍鵷班此日占雲競解顏緹室陽回  
灰乍動北宮霜淨靄初還寒梅欲放龍樓外清  
磬初傳御座間聞說今年將肆赦登歌贊德祝  
南山

贈吳上于年丈冊封秦藩便道上太夫人  
壽

出塞生平一壯遊  
星輶到處可冥搜  
華峯壁削三千丈  
澧水分流百二洲  
傳得陰符歸玉麈  
歸攜芝艸佐瓊羞  
芸臺旦夕承清問  
應奉潘輿入帝州

題羅高君夢鳥軒

卜築青山絕要津  
羅含彩筆四時新  
溪聲帶雨催詩急  
梅蕊含香送酒頻  
夜靜蕭疎風韻竹  
夢

回睨晚鳥鳴春偶來隱几窺奇字  
莫遣山童報主人

曲水流觴

館課

藉艸芳辰祓鏡洲  
迴淪婉轉羽觴浮  
香凝綠蟻隨波裊  
影逐輕鳧遶澗流  
弱荇牽風虛欲逗  
垂楊返照暗疑留  
景龍賜卷傳遺事  
陪賞長期續勝遊

登臺有懷

百尺層臺俯碧岑  
振衣薄暮一登臨  
長江迴浦

留殘照古木鳴蜩送晚音空外水烟時聚散望  
中漁火乍浮沉懷人欲泛瀟湘棹託賦蕪葭寄  
遠心

姚汝行入燕未幾遽聞母訃奔程迅速予  
莫能留也言贈短章用節哀思

挾策驅馳上帝京却傷風木促歸程雲封岬岵  
悲遊子月暗關河隱婺星迢遞燕山腸欲斷潺  
湲越水夢還驚遙知此去春將暮幾度啼鶻血  
淚并

把袂京津送遠行那堪回首話生平芸窗滿架  
先人業衣線千條慈母情愁絕關山雲樹渺程  
兼晝夜馬蹄輕到家願節悲哀甚大孝由來屬  
令名

寄懷張無始年丈

相隨相別轉相思幾度韶光擲柳絲調出陽春  
知寡和觥分燕市訂何期蹉跎未遂投閒意靖  
獻深慚入直時羨爾絲綸傳盛美臨風莫忘寄  
新詩

送人游武夷

蘭鷁初開江正秋  
淒淒烟樹使人愁  
蟬聲偏向離津急  
月色多緣祖席留  
蕭屑奚囊吹越笛  
昂藏俠氣看吳鉤  
天光雲影遺亭在  
此去探奇豈謾遊

賦得明月照積雪仝丘遠程年丈

長安飛雪喜占豐  
萬里清光一望通  
金粟晃搖銀世界  
靈蜍轉上玉華宮  
人從瑤島排晴浪  
酒向瓊樓吸白虹  
此日柏梁聯秀句  
陽春高唱許

誰同

送劉獻之年丈之任南海

僊郎墨綬鞞金鞵  
渺渺修途問幾千  
潞水蕪葭秋寂莫  
嶺南桃李日暄妍  
扁舟遠向沉香浦  
斗酒長攜粵秀巔  
此去安期應授訣  
菖蒲肯易荔枝鮮

題墨梅為高光祿

冰玉花將墨寫神  
開圖冷韻颯侵人  
孤山雪裏遊情劇  
東閣尊前詩興新  
月照疑來仙子夢  
風



飄欲點壽陽春東君對爾巡簷笑只少幽香可  
辟塵

送楊九翼年丈出守漳州

送君握節領專城三疊驪歌醉裏聽驛路榴花  
猶照眼檐帷柳色揔關情蓮峰竹馬歡聲沸漲  
海封疆蜃氣清此地名賢遺澤在好同元晦著  
芳聲

瀛洲亭夜坐

芳亭漾綠鳳池邊一派清漪瀉碧泉疎柳垂條  
輕界面小魚戲浴巧生漣香移玉樹簾前影照  
徹銀河水底天却忘坐深寒露下相看共是石

渠仙

送張景明侍御歸蜀

落日燕山動去旌不堪回首望神京已將骨鯁  
干時禁那肯脂韋狗物情日落滄江秋色老雲  
橫巴峽壯心驚賜環定爾旌孤直翹首重來矢  
鳳鳴

壽樊繼宸年祖八十

曾向匡廬訪列真吞華五臟日生春年來服炁  
容偏睥老去談玄意轉新庭樹干霄栖瑞鶴瑤  
芝映圃育蒼麟只今戲彩俱靈種不數燕山有  
大椿

姚子雲南還志別

挾藝遊燕意氣新春明道復送行塵風霜此日  
應憐汝聲價千秋自逼人驛路黃花應入御家  
鄉黑黍釀初醇竚看立馬吳山頂又着先鞭渡  
易津

歸第夜作

聽罷臚傳出鳳城萬人團擁沸歡聲一天霽色  
開仙仗五色祥雲映繡旌身惹爐烟瞻闕近夢  
回鷓隊聽鷄鳴明朝入視承明艸敢謂榮華足  
此生

翼日志喜呈唐顧二座師

南宮北闕第名同衣鉢親承兩鉅公暗點朱衣  
文乍合班先玉筍籍初通黃緣不藉琵琶曲踴  
躍還因冶鑄功草莽一朝霑雨露憑誰指引荷

天工

歸第謝許大京兆

天街遊罷慶遭逢  
騶從追隨許孟容  
地逼蓬萊疏寵渥  
風清禁輦拜恩重  
自憐駑骨稱神駿  
却羨麟符錫袞龍  
况是梓鄉司宴賞  
昇平藉爾發華鐘

初月小集

良夜邀賓倒玉醅  
多情况值月初來  
細篩桐露衣忘怯  
暗度林鶯酒若催  
醉後漫勞頻捉麈  
吟

餘還擬共登臺  
何當極目雲千里  
逗起離情鬱未開

寄張咸仲姻丈時出守雲間

春到茸城歌頌喧  
郡人爭出擁朱幡  
放衙爲報凰栖境  
行部驚看鹿夾轅  
晝靜花陰時送影  
夜深月色正當軒  
遙知五馬風流甚  
何日開樽共笑言

德卿兄初度遙祝此首

兄年六十色如童  
豈有丹經授八公  
勝事總銷

碁局裏雄心降付酒杯中  
循陔雅入湖山夢  
治圃時來松菊風  
愧我無由稱祝竿  
頌言千里寄詩筒

送韓崇雅年丈冊封蜀藩

喜沐甘霖暑欲殘  
塵清萬里送征鞍  
桐圭天府原推蜀  
山斗才名久識韓  
酒載玄亭秋氣爽  
詩題劔閣夜光寒  
歸來采得賢臣頌  
擬共風謠獻玉鑾

燕楊總戎園亭得波字

幕府名園勝事多  
曲池瑤島振靈鼉  
登樓興逸庾都督  
聚米機深馬伏波  
海外烽烟平戍壘  
帳前鼓吹應鏡歌  
東南倚賴時方切  
鴻渚何當信宿過

天津夜泊悵焉有懷

畫船南向是歸津  
落日帆檣傍海垠  
候雁參差分極浦  
秋潮漭蕩接青旻  
烽烟正切邊疆警  
樓櫓爭傳刁斗巡  
憂國每勞儲侍計  
籌車才報足

京困

南郡喜雨

南旺喜雨

南北中分勢建瓴兼旬不雨麥無青共嗟旱魃  
能爲祟忽信神龍自有靈雲起泰山膚寸合泉  
飛天井斥時零布帆正借西風便拂拂濤聲枕  
上聽

舟過廣陵有懷支蘭室老師不勝西州之

慟焉

幾年函丈鑄疎狂况復思深蔽蒂棠千里有天  
驚夜永九原無地借春長珠探赤水龍門迴鶴  
跨揚州蛻骨藏寂莫松楸何處問低回蕭壁轉  
心傷

寄劉君東孝廉

蚤聞才子善爲表真長高名不易儔品格可能  
師百世文章應許著千秋孝求終慕揚先烈樂  
在栖真薄貴游剩有庭賢能接武淵源方信說  
三劉

毘陵逢蔡憲使爲供扇頭之役

使君旌節下吳門兩世交情抵掌論水鏡已知

寧海齋全集卷之五  
推月旦龍馭久許壯藩垣慙無色筆瀾翻勢喜  
奉仁風笑語溫彤管它時傳不休青箱鴻烈萬  
年存

輓陳憲長白野先生

俄聞洛社失耆英罷市停春淚雨并奈可騎箕  
朝玉闕不堪歸鶴遶山城縹緲滿架存先業琪  
樹森庭紹令名尸祝况隨跋歷地從來不朽是  
長生

無題 用李義山體

無限幽情欲話難玉肌消削粉容殘綠楊枝上  
春纔透紅豆稍頭露未乾香篆漫燒憐日末珠  
簾低捲怯風寒近來刺繡工夫苦羞與鄰姝比  
並看

壽封侍御牟仁宇先生二首

玉壘崧高挺至人憂時抱赤道長新石家醇謹  
原推奮蘇氏文章教屬洵柱下繡衣疑戲綵庭  
前萃萼映靈椿漫誇閩苑多奇事只尺瑤堦會  
列真

柱史聲名震八荒  
遙馳驄斧下燉煌  
楓宸齊慶過周曆  
椿室遄歸捧壽觴  
庭訓只看封事美  
年華初並帝圖昌  
憑誰試問三山外  
奏入琅瑯第幾章

寧澹齋全集卷之五終

寧澹齋全集卷之六目錄

七言律詩

南郊陪祀

北郊陪祀

送周斗垣年丈入賀還任

元日退朝試筆

伯兄南來即席志喜

夢賞雪燈得僧字  
禁用物語時有編衣危  
坐者醒而紀之

贈張中丞開府宣鎮

送王仲開南還

賦得桃始華

館課

送客之閩中

挽封司李劉太公兼別義齋老師

吳門逢謝紫會刺史偕第山子比部談道

有贈

重過項氏別業

答孫稚繩年丈

遊齊雲登玄帝殿次壁間韻

天台對士家

宿崇聖寺

題天柱閣為鄭司李年丈

答姚仲舍年丈次來韻

謁趙司空功德祠有感

徐克敏年丈邀飲湖上

羅高君致詩索和依韻酬之

賀余遵道移居傳是鄭相清之故址

送戴浴日公祖入覲



寄懷吳上于年丈

茂上人喜談仙術戲贈

歸舟

金閨紀夢

舟次不寐

贈樊仲泉年伯六表

湖心亭

送客之幽州

林克武年丈司李姑蘇左遷天台博士途

次晤言忼慨投贈

九日苦雨望先隴因懷潘滙滄年丈却寄

服闋書懷

邑縉紳餞別西郊賦謝

鑑湖即事

重遊剡溪惠安寺別諸生二首

登華峯絕頂上有鬼石壙太白讀書堂

章安溪上散步東張令尹

與僧夜話

壽張桑池封君時長公咸池爲房山令  
聞有轉粟遼陽之議志感

送趙希韓公子南還應試

太白齋書堂

馮滌生之校繡水歸壽賓松先生九十

留別楊總戎

溪行

輓顧隱君

中山公署率題

道遇援兵有作

鳴謙驛書懷

故關返照聞嫠婦夜哭用杜韻

己未二月夜夢老叟授以絕句醒後補成

一律

寧澹齋全集卷之六目錄

寧澹齋全集卷之六

句章楊守勤克之甫著

同社姚孟燿汝行甫校

七言律詩

南郊陪祀

葭管灰飛應一陽天都展祀迓千祥蒼梧夾道

瑤尊集朱火浮空翠輦翔雲裏衣冠紛拜舞望

中星斗轉微茫聖心密攝通靈貺宣室凝禧萬

禩長

北郊陪祀

聖德淵深徹廣原上公承命展坤元江茅縮酒  
通玄液方鼎陳牲示普存三燭光搖神壝曉萬  
靈歆格帝圖尊侍臣共矢登豐願極目宸居契  
大渾

送周斗垣年丈入賀還任

清秋宸陛祝堯年使者趨瞻尺五天賜宴雅歌  
桑扈什矢音好誦鳳皇篇江關白鴈迎蘭舫驛  
路黃花映錦韉浙水恩波流不盡東南還擬借

旬宣

元日退朝試筆

爆竹聲中歲事新百花燈裏拜楓宸輕風未掃  
西山雪麗日先開廣陌塵柏酒多情娛曉坐甌  
梅着意報先春禁中消息傳來遠奪席今朝有  
幾人

伯兄南來即席志喜

雁行數載望南天搔首蹢躅意惘然忽喜填篋  
吹此夕能無杯酒醉當筵親朋故國凋零甚兄

第天涯笑語偏薄俸也堪資杖履幾多風日好  
盤旋

夢賞雪燈得僧字禁用物語時有縞衣危  
坐者醒而紀之

何物輕鏤白玉燈坐觀無相共山僧話忘門外  
深三尺望失峰尖積幾層映我頭顱光淡淡露  
君衣袂色澄澄臨風淚落飛殘滴它日相逢得  
未曾

贈張中丞開府宣鎮

九重宵旰爲夷酋仗鉞西陲簡壯猷日麗龍牙  
新壁壘風清虎帳擁貔貅援兵乍聽銅鞮曲勝  
算旋參帷幄謀可是霜稜飛易水先聲久已落  
羶裘

送王仲開南還

擊碎胡琴意自如歸途垂橐轉蕭疎無媒此去  
慙楊意有賦他年識子虛入里尊羹秋正美趨  
庭鯉訓日方舒芙蓉鏡下君須迓矯首重來訪  
石渠

賦得桃始華

館課

上苑韶光值艷陽  
初桃灼灼冠羣芳  
柔姿浥露含微笑  
嫩蕊迎風漏早香  
蝶戀情多輕點綴  
燕憐嬌劇細迴翔  
日邊到處饒春色  
不獨玄都是勝塲

送客之閩中

劍寒初束出江城  
綠酒紅亭送闌行  
古樹含風迎棹吼  
寒蟲怯露近人鳴  
關河月照孤遊客  
驛騎星馳萬里情  
到日揚帆窮絕島  
大姨山外蚤

潮平

輓封司李劉太公兼別義齋老師

曾聞祿養挹金莖  
又喜恩書下鳳城  
何物妖氛侵劍氣  
却騎箕尾上瑤京  
夢依萊綵深深恨  
愁鑱陽關故情薤露驪駒同日賦  
不堪回首送行旌

吳門逢謝紫會刺史偕弟山子比部談道

有贈

攬勝芳洲秀可餐  
况逢仙鷁傍河干  
生平未遂

趨陪願邂逅初承笑語歡一代風流推棣萼千  
秋道脉遡琴壇相看莫以升沉問舉酸聯吟星  
斗寒

重過項氏別業

故家亭榭幾徜徉曾對高人競舉觴鄴架抽繙  
嫌日短吳鉤拂拭引杯長五陵俠氣輕裘馬三  
峽詞源肩玉霜遺跡尚留人在否却憐春燕舞  
空堂

答孫稚繩年丈

亦知捧檄酬初願况憶遷喬續舊歡累足臨危  
方惴惴蹇裳及溺忍看看舉頭見日長安遠信  
口嘲風世路難羨爾獨逢魚水合承恩時拜尚  
方餐

遊齊雲登玄帝殿次壁間韻

一入清都百慮消恍披雲霧上扶搖陰崕蕭瑟  
飛寒雨古樹槎枒竦碧霄縹緲法幢迎鶴駕希  
微仙樂度雲韶特攜謝眺驚人句吟罷如通帝  
座遙

宿崇聖寺

萬疊雲霞鎖翠岑，洞門斜啓見叢林。  
 竭來虛唄隨鐘寂，靜裏玄談到月沉。  
 皈法好參香獸劫，聽經應起毒龍吟。  
 明朝搔首松窓下，百丈寒潭映素心。

題天柱閣爲鄭司李年丈

峇堯一柱倚南天，畫棟雕題插漢邊。  
 自是郡公雄保障，不煩少府出金錢。  
 元龍百尺名何似，麟閣千秋業並傳。  
 弟子如雲修伏臘，婺溪流澤自年年。

年年

荅姚仲含年丈次來韻

滄洲何事學垂綸，望闕丹心日轉新。  
 共識天朝旌直諫，豈容空谷滯伊人。  
 春風欲動遷鶯信，遲日重瞻御柳顰。  
 時事正須匡濟畧，未堪高臥憶鱸尊。

謁趙司空功德祠有感

司空威畧照千秋，手戮鯨鯢奠海陬。  
 寇至物情多首鼠，功成讒口起戈矛。  
 但言增壘虛糜餉，誰



寧濟齋全集卷之六  
識降戎利伐謀世上操觚皆耳食令人却憶董  
狐儔

徐克敏年丈邀飲湖上

孤山秀色淨於洗喜遇高人載酒來紫氣氤氳  
下天目霞光縹緲接三台啣杯色映芙蓉岸揮  
塵香飄金粟堆頃刻驪歌遄唱別殷勤肯惜玉  
山頽

羅高君致詩索和依韵酬之

畏途荆棘久沉緜却似秣林縛律禪乞巧故知  
心日拙書空始怪譽難全多君夢落風塵外笑  
我形慚珠玉前遮莫聯吟遣幽興空齋趺坐意  
悠然

賀余遵道移居傳是鄭相清之故址

纔卜新宮半畝餘庭前艸色未經除堂幽雅稱  
清卿宅地古猶傳舊相居成室喜聞三頌美然  
燈好著一家書更看蘭玉當階發門外應留駟  
馬車

送戴浴日公祖入覲

三年分竹奏神京  
盡舫乘風五兩輕  
海澨波恬浮蜃氣  
棠陰日煖沸鶯聲  
書屏蚤已承褒寵  
召對無煩問姓名  
欲賦將離投去棹  
江關悵望不勝情

寄懷吳上于年丈

臨風搔首憶華裾  
一別那堪五載餘  
紫陌曉烟憐並馬  
木天夜火共讐書  
春來花鳥應爲侶  
北去鱗鴻可更疎  
遙望毘陵千里隔  
尊前何日再攜予

茂上人喜談仙術戲贈

祝髮皈禪路尚賒  
那聞披髮着袈裟  
財燒七聖終成業  
劫轉千迴揔浴砂  
欲避井蛇身四齧  
莫教屏雀手雙遮  
微陽一線功圓滿  
悟到仙家即佛家

歸舟

羈棲吳地兩旬過  
寒夜其如永漏何  
支病獨攜談麈在  
澆愁猶恐濫觴多  
驚聞孤雁傳宵警  
畏聽歸舟唱曉歌  
已識蠅蝸原是虱  
何須勞攘逐

風波

金閫紀夢

旅夢驚趨鷓鴣班分明咫尺是天顏為憐將母  
翩雛詠特賜微臣彩鷁還辭闕低回懷戰慄歸  
途潦倒憶間關覺來頻效呼嵩祝欲報恩深計  
轉艱

舟次不寐

蘭楫東來帶夕暉鄉關漸近思依依汀葦月暗  
栖寒鷺岸柳烟深隱釣磯候騎不來燈火寂山

城杳隔漏聲稀倚門正恐愁無寐遠望如何可  
當歸

贈樊仲泉年伯六袞

系世玄修抱樸真洪厓訪道歷千春大年不藉  
昌陽引令節欣逢誕嶽辰戲彩庭前迎木鳳甘  
棠歌裏祝靈椿六橋花事年年發却羨板輿綺  
陌塵

湖心亭

孤亭面面俯中流縹緲疑瞻海蜃樓萬疊烟巒

平檻入一天晴色倚欄收長虹倒跨水壺影雉  
堞遙連水鏡秋快賞莫嫌歸路晚沿堤簫鼓繫  
蘭舟

送客之幽州

北地春風凜若秋况逢秋色入幽州刀環每憶  
家山月馬首偏縈塞草愁幾處鳴笳驚客夢數  
行歸雁引離憂知君獨奮凌霄志肯向林園歎  
白頭

林克武年丈司理姑蘇左遷天台博士途

次晤言忼慨投贈

品格高凝姓氏香江南行部凜秋霜已知龍性  
終難屈莫怪蟲沙不可防天姥夢回詩興遠赤  
城遊遍賦才長暫來此地搜奇蹟勝採吳歛入  
錦囊

九日雨中望先隴因懷潘滙滄年丈却寄  
幾逢佳節罷登臨况復瀟瀟寒雨深世路羊腸  
愁轉劇秋風鷄骨病還侵霾雲何意遮阡隴怪  
鳥偏啼過竹林悵望懷人閩海曲淒涼此日却

同心

服闋書懷

哭斷高原眼欲枯  
鏡前種種上頭顱  
終知修短隨時盡  
敢謂煩冤與化徂  
誓墓無文徒激烈  
攀輿有夢亦模糊  
長林早決投簪計  
莫信風塵是壯圖

邑縉紳餞別西郊賦謝

江津祖席坐遲遲  
悵別偏當修禊時  
洛社羣賢開雅會  
香山諸老贈新詩  
殷勤唱徹陽關調  
款

乃聲催遊子  
悲謾道風塵從此隔  
抽簪還與

園期

鑑湖即事

鑑湖秋色接長空  
一曲猶傳賀監風  
放艇恍從銀漢入  
採菱斜向玉橋通  
雲門樹影浮殘綠  
梅市漁燈映晚紅  
取醉已拚身是寄  
鐘聲遙落夢魂中

重遊剡溪惠安寺別諸生二首

昔年絳帳傍禪扉  
結駟重來意轉違  
挂衲老僧

李鴻齋全集 卷之六  
歸寂久傳燈高弟信音稀中庭墻影搖新月虛  
牖松陰漏夕暉握手良朋頻道故不堪歸騎又  
遄飛

論文尊酒集羣賢屈指分携十六年惆悵書堂  
飛故劒淒清禪刹起寒烟遭昔愧我將垂白守  
拙憐伊各草玄臨別遲遲無限意何時重汎剡  
溪船

登華峰絕頂上有鬼石壩太白讀書堂

峻嶒華頂絕飛烟地接蓬壺境最偏聚鬼壩前  
山盡伏謫仙堂外嶺孤懸曉晴日出排闥闔秋  
爽潮平見海天憑眺不禁詩思發醉來深愧筆  
如椽

章安溪上散步柬張令尹

山迴路轉到屠麻奇石磷磷水一區桐柏峰頭  
霞氣歛玉霄閣畔鴈聲孤田家刈稻秋將晚遊  
客扶筇日未晡爲問循良張茂宰花香幾度出  
攜壺

山前與僧夜話

山僧邀話夜深沉皓月澄澄照碧岑露泫松虬  
寒瀉影香浮蓮座靄生陰塵根識破原歸幻慧  
眼看來揔見心不向遠公聞妙法石梁何事遠  
招尋

壽張桑池封君時長公咸池為房山令  
由來風月羨張充綺席初開日正融腋後青囊  
傳玉粒庭前朱紱進荷簫絲綸佇下丹青殿杖  
履時追黃石公聞道種松鱗甲老大房遙指即  
方蓬

聞有轉粟遼陽之議志感

吳歛聲裏盡嗟吁歲稔猶聞課積逋織錦千家  
紛鬪靡授衣幾處苦無襦江南正賦供初竭遼  
左軍需計轉迂安得天工能雨粟更教縮地免  
飛輸

送趙希韓公子南還應試

少年才子擅風流挾策趨庭上國遊客路劒光  
冲曉月武林桂影散清秋再來姓氏螭頭重舊  
有家聲鳳闕留漫向絲綸誇世美好乘韶節振

箕裘

馮滌生之校繡水歸壽賓松先生九十  
少微星朗映林泉瑞靄繽紛綺席前歌索正當  
榮子日傳經初及伏生年庭中苞鳳翻萊彩履  
下游龍矯倜佺暫馭安車之繡水漢家應辟五  
更賢

留別楊總戎

元戎偉畧漢嫖姚萬里鯨波指顧消霜劍橫飛  
天外鐔雕弧遙射日邊妖功高勝算寧須戰飲  
劇平原不待招惆悵臨岐無限意雲臺端擬姓  
名標

溪行

薄暮溪頭宿雨收搖搖舴舺鏡中浮雲籠遠樹  
迷青嶂月印前灘舞白鷗短笛頻吹林外曲深  
杯暗送旅中愁世情久已多翻覆却憶當年洗  
耳儔

輓顧隱君

張望鄉關意黯然少微星隕忽驚傳香山社長



寧瀛齋全集卷之六  
原推白通德儒宗久識玄荒徑已殘松菊色遺  
囊惟有水雲篇那堪故老凋零盡欲寄愁心候  
雁前

中山公署率題

皇華持節及清秋車騎駸駸出定州回首神京  
雙闕迴看山恒嶽五雲浮涼颺乍起聞新雁霽  
色平開見古丘傳說三韓飛羽檄中原徵調正  
堪愁

道遇援兵有作

欲揮長劍倚胡天策馬遙瞻片石懸懷古歛歛  
過上黨論功忼慨說燕然羊羨饗士謀猶拙烏  
合從戎計未全爲問勤王諸將校誰同甘苦枕  
戈鋌

鳴謙驛書感

鬢髮蕭疎志未磨肅將王命度汾河長堤苑柳  
秋深盡古戍荒烟薄暮多風急羽書傳近警月  
明刁斗起悲歌偶論宋相籌邊事自揣科名愧  
若何

故關返照聞嫠婦夜哭用杜韻

驛路茫蒼風色昏溪頭過雨長新痕  
嚼杯返照搖山翠遶戶寒雲蔽遠村  
鐘促行人投梵刹禽攜獵騎入關門  
無端嫠婦聲悲切為哭從軍欲斷魂

已未二月夜夢老叟授以絕句醒而記之

補成一律

花事闌珊已暮春幾番對鏡却愁人  
花迎劔佩意中事雲近蓬萊夢裏身  
世態每從一息變生

涯莫認百年真拂衣歸去盟泉石  
猶恐鶻啼淚染巾

寧澹齋全集卷之六終

寧澹齋全集卷之七目錄

五言排律

題白龍應禱為吳白雲新集

謝晉王園亭宴集

賦得日華承露掌 館課

早春飲問水亭

秋祀恭謁 長陵館課

鄔年伯七十雙壽頌言二十三韻

董中翰歸葬還朝賦贈二十韻

立夏日同秦國傅姜給諫劉光祿劉比部

得集清道觀得更字有小引

萬壽節賜百官寶鈔館課

贈吳郡侯考績

沈刺史院中佛手柑盛生却賦

秦封公七十

送彭山人

青浦潘震問攜樽遠將因出尊公遺像索

贊感亡惜別不勝悵然

送海寧郭明府入覲

贈孟封公

七言排律

朱無易年丈守德安

謁龍郡丞祠

齋頭樂

寧澹齋全集卷之七月錄終

寧澹齋全集卷之七

句章楊守勤克之甫著

同社姚孟燿汝行甫校

五言排律

題白龍應禱為吳白雪郡侯

亢陽憂郡牧精意感龍嘘曝禱同環艾齋心勝  
暴巫白蛟方應祝黑蜮乍前驅霖霖隨車洒洶  
沱遍野濡靈崑翻石燕花嶼沸浮珠虓魃威消  
盡桐魚法不須萁萁原上草濯濯水邊蒲秀稻

軍海齋全集卷之七  
胎重結遲禾穎誕敷篝車紛入望賽鼓旋交娛  
父老歌酬束兒童樂罷零誰云神聽遠勿謂拙  
誠迂瞬息通靈貺馨香積感孚治平應第一寰  
宇仰蘇枯

謝晉王園亭宴集

冀野分圭重麟振夙著名畫塵工鳳尾燾土襲  
珠纓舊牒豐枝遠新綸炳日明藏書抽二酉開  
閣集羣英邸第連蓬島菟園象海瀛松陰如蓋  
偃蘭氣飭藜生淇竹菁菁茂庭槐燁燁榮水簾  
垂洞府風榭遶蓉城玉砌花磚合璇題斗杓橫  
鳥窺逕艸落魚浴藻蒲輕旣集崑崙園還飛金  
石聲綺筵羅鼎膳仙樂按瑤笙雅度初堪挹虛  
懷久愈傾千秋良翰譽三接使臣情醉德難爲  
頌稱詩即事成願言崇令問樂善軼東平

賦得日華承露掌

館課

秋空濡湛露旭日晃清暉色射金莖燦香浮翠  
靄微凝脂初散彩承睫欲沾衣雙闕參差麗高  
臺馱浥晞萬方迎解澤九野仰離輝在棘欣俱

寧海齋全集卷之七  
被傾葵願永依

蚤春飲問水亭

春朝鳴雨過山氣入簾清  
問水餘寒在凭欄  
細蘚生花明鳥初下  
艸嫩馬徐行  
畫舫喧簫鼓  
華筵競羽觥  
少年環蹋游女拾芳蘅  
簪佩解襖集貂璫  
樂事并摩碑探往蹟  
倚閣眺春耕  
藉艸頻呼酒  
敲枰屢淪茗  
雁歸沙浦遠  
日落嶺雲橫  
烟火千村合  
藤蕪四埜平  
撫琴魚出聽  
度曲鳥和聲  
典劇忘歸路  
將步月明

秋祀恭謁

長陵

館課

灝景逢霜露園陵展肅雍  
燕山紆氣脉碣石瑣靈封  
帳殿陳牲早緹城列騎重  
秋壇來舞鶴老檜欲翔龍  
絕漠皇威暢垂基王氣鍾  
遺弓空抱泣奈可挹仙踪

鄔年伯七十雙壽頌言二十二韵

山居接何境石室與金堂  
烟霞芸館合歲月藥欄藏  
律行惟醇謹傳家有義方  
清名標月旦逸格侶義皇  
市義曾焚券推仁更倒囊  
萊衣人共

老姜被誼何臧嫠婦聞收養連租亦代償伯鸞  
誰比潔德耀與齊芳籍籍休聲起隆隆德譽彰  
夜珠輝寶樹鼉采耀扶桑簪紱風雲集庭闈姓  
氏揚漫誇三釜奉重接五花章大隱名山重殊  
榮世閎昌春陽喬木麗秋爽菊英香難老還偕  
老韜光載錫光丹臺籍久註瑤艸日應長綠玉  
仙翁杖青精海客糧四明原咫尺三島任相羊  
乍進安期棗初傳王母觴孫枝森遶砌袍笏佇  
連床帝眷高年里人欽通德鄉史臣猶子誼獻  
祝可能忘

董中翰歸葬還

朝賦贈二十二韻

侍臣才藻富秘省筆花鮮爲抱翩離慕時歌鳩  
羽篇陳情還故里酒淚籲蒼天但得營佳兆何  
殊見及泉精誠通冥漠眷顧速幽玄地勢開綿  
邈川原並蜿蜒雲深宜豹隱氣燠卜牛眠啓窆  
祥雲合燔黃瑞靄躔龍岡堪彷彿鳳穴出蹠躔  
徙倚松楸下徘徊馬鬣前首丘甘自老返築欲  
忘年柰可王程促能虛詔命宣行行重悵望去



去更留連職繫絲綸地身依日月邊仙班仍就  
列旅夢輒驚纏漢典榮稽古周儀逮象賢麟臺  
垂燕翼鷄樹映蟬聯世澤弓裘衍封章屨屨懸  
皇恩濡湛露帝德洽重淵矢報情何極南山永  
不騫

立夏日同秦國傅姜給諫劉光祿劉比部

小集清道觀得更字 有小引

四月四日立夏小集清道觀喜宿雨初  
霽清風送涼晚來月魄微生江潮乍漲

疊雲吐岫返景流霞短具時陳新茗屢

供因思朱旗應節方傾動乎長安赤鷺

臨軒正歡騰于近侍爰茲感興託咏斯

言

玄宮快登眺片刻暑寒更丹鳥乘時至朱雲出

岫橫花飛還作態燕舞故多情單袷迎風適深

杯度暑輕峰嵐浮檻入江月蕩潮平薜荔香熏

酌櫻桃艷列盛開枰落子捷分韻雅歌賡雨脚

隨春去晴光入夏明水秧憐競插隴麥喜垂成

象應羣星集歡來四美并談鋒宵轉劇酒庫又  
頻傾漫說身爲寄何來心若醒風塵悲世路荏  
苒惜浮生忽憶長安客趨朝沐寵榮

萬壽節賜百官寶鈔

館課

繞殿迎符日瞻天祝聖秋嵩呼傳鷺序虎拜肅  
螭頭乍沐楓宸寵驚頒楮幣優璽文輝玉篆寶  
貫協龜籌捧玩珍同璧歸藏襲若鏐堯天應過  
曆利用樂鴻庥

贈吳郡侯考績

海國徼天厚君侯布德深分符垂福曜下軌沛  
甘霖清悟任棠水廉揮閱道琴明威馴鱷暴精  
意表龍吟竹箭東南美蒲鞭遠邇欽尊開江稻  
稔舟泛月湖潯喂壘爭歌德梯航集貢琛神功  
無擾動元氣自歸斟績奏三年最忠葵五位心  
書屏經御筆前席遲華簪借寇情方切留神意  
不禁史臣揚盛美百世仰徽音

沈刺史院中佛手柑盛生却賦

豈是菩提樹移從香水涯通身出剏手照眼現

寧波齋全集卷之七  
六  
金葩排指提真訣舒尖露慧牙難同楚橘頌未  
言木奴誇洵美祇園種叢生刺史家常疑香霧  
襲時得法雲遮蒼荀清應遜優曇芳並加摘來  
離翠胷剖處落霜瓜滲齒流甘液濡心轉法華  
空中呈色相掌內結烟霞疑灌曹溪水曾培無  
量沙羅公應未嗅仙術可能效佞佛原非性傳  
枘事已奢懷茲珍異品遮莫賦靈芽

秦封公七十

洪宇盤靈氣名山挺至人含元心獨占吞日膽

生春術探桐君秘丹傳葛氏真尊生解世網服  
氣抱玄神塞兌三緘密禔躬四重純庭椶魯手  
植鄴架待時新績奏花封滿香浮粉署勻元方  
既卓絕難弟更超倫歌鹿隨偕計懸弧正及辰  
袞章來鳳闕彩服出楓宸錦里冠紳集芳筵尊  
俎陳觀泉濠濮意度世宰官身種德情田富留  
餘性地醇蘭階熏馥馥麟定瑞振振詒穀垂經  
術行歌愜隱淪稀齡飄鶴髮偃步傲蒲輪揮塵  
談飛屑登樓興轉頻天孫增玉歷仙府益玄津

人在羲皇上輝纏南極垠試看雲闕下千載茂  
莊椿

送彭山人

客自巴渝至詩追元白豪春穠穿月峽雲吐夢  
花毫履跡周名岳譚鋒屈怒濤時毫多結納險  
路獨週遭一諾輕懸劍千金欲贈刀臨風忘讌  
劇會景輒登高賦雪梁司馬題梅何水曹乍逢  
傾羽蓋睨就醉醇醪老去童顏駐丹成仙骨牢  
何當旋握別瞻望轉心勞

青浦潘震問攜樽遠將因出尊公遺像索

贊感亡惜別不勝悵然

博士開賢胤風流有二方文應追屈宋書雅法  
鍾王氣吐青萍壯歌裁白雪長芳尊敦夙好古  
諠越尋常握別情逾劇臨岐興轉狂青溪驩共  
泛遠道欲相將物態悲雲雨心期惜景光遺風  
仍傲骨砥行鮮柔腸金石盟方固墳笈誼莫忘  
層霄看舉鳳九陌佇飛黃惆悵瞻遺像殷勤慰  
肯堂袞崇推燕翼奕葉顯珪璋惜別無言贈懷

茲代報章

送海寧郭明府入覲

最績今朝奏清風五載餘琴鳴春晝靜鶴舞訟  
庭虛其道摧科拙偏聞扞網踈桑麻隨地種桃  
李入春舒令去還留犢民醇解釋魚瑣垣知待  
汝諫草好傳予

贈孟封公

鳳闕覃恩重鸞坡洊寵新淵源推秀谷潛德溯  
靈椿洵美人中瑞懷茲儒者珍雕鏤羞末技擊

曲耻濡津煮海原非意逃名暫避身相羊同市  
隱倘芻出風塵展業恢家世遺經啓後人拙緝  
傾鄴架鍤鑄感蕭晨逸足俱超乘白眉蚤絕倫  
掄文魁宇宙曳履躡星辰白雪歌誰和青藜筆  
有神大猷資黼藻國命藉絲綸聲價傳丹宸褒  
崇錫紫宸光榮夸翕翹天性自含醇軒冕安吾  
素夷猶率道真華尊開北海壽極耀南垠堂捧  
雙龍誥車推兩皂輪茹芝舒綺皓逸部駕義民  
試問君誰是高陽管老荀

寧波府志卷之七  
七言排律

朱無易年丈守德安

詞壇獨擅錦官城  
熊軾遙臨西楚程  
斷獄雅推朱博望  
度支曾識仲卿名  
滇南桃李春華茂  
損水旄倪喜色迎  
入部甘霖隨地散  
夾轅雙鹿導前行  
浮雲樓接長安近  
車蓋亭搖夜月明  
七相風猷今未泯  
好同張寇播芳聲

謁龍郡丞祠

有引

祠在清道觀之左  
公署篆時嘗捐俸贖

山歸觀手題小洞天  
邑人因初祠茲地  
歲久漸圯今再新之  
予爲謁奠

仁侯尸祝幾經年  
廟貌重開小洞天  
豈是買山稱地主  
却緣思德祀前賢  
恩波不斷三溪雨  
伏膺長依萬井烟  
一去絳帷空擁座  
獨懸彩筆大如椽  
武陵花發人何在  
峴首碑豐蹟共傳  
惆悵情深無以報  
趨陪俎豆願爭先

齋頭樂

幽齋兀坐任磐桓  
滿案陳編久不攤  
茶竈有烟

寧澹齋全集卷之七  
親注水薰鑪着炭手然檀乍寒乍煖天難測時  
咏時吟室轉寬細雨侵堦春艸潤輕風入幕午  
琴闌杯中綠蟻頻教盡庭外名花恣意繁徒倚  
小欄誰作侶穿林新鳥語聲謹

寧澹齋全集卷之七終

寧澹齋全集卷之八目錄

五言絕句

四時雜咏

飲碧雲寺三首

別雲巖一首

薛方詠

孤賞

乙巳除夜同吳上于年丈守歲賦得一年  
將盡夜萬里未歸人十韻

苦雨四首

又四時雜詠

巧谿漫興

秋思二首

吳門遠眺

鐘聲

乍暑

贈鍊士

贈伴雲上人一首

題芥

百歲野仙

題菜送廣文

月夜偶酌僧舍

獨臥

七言絕句

擬謝賜櫻桃

登旃香臺

題山陰九里山四景



雪中偶作用皮日休韵

淨寺晚坐

贈法相寺衲雲上人

董孝子三首

詠史二首

俠客行二首

明妃曲四首

初登白嶽

天門楠木

椰梅庵

天柱閣

江南梅花 館課

夏日卽事

謝劉念庭觀察詠朱藤花二首

溪上

對奕四首

冬日卽事用白樂天體

龍井訪伴雲上人已示寂一年矣

謝馮兗川別駕詠牡丹

山寺

送張成叔侍書還南三首

重經法相寺訪衲雲上人

賦得新梅二絕贈姚汝行長君入泮

秋宵風雨二首

題光霽堂為鄭讓卿

閨思二首

寧澹齋全集卷之八目終

寧澹齋全集卷之八

句章楊守勤克之甫著

同社姚孟燿汝行甫校

五言絕句

四時雜詠

崑蘿隨意老澗艸細生花萬樹圍春色東君是

謝家

薰風輕拂檻竹光初照亭試鼓姚皇曲池魚欲

出聽

藜菊粲東籬采之漉新酒皓月正當空對酌成  
三友

江頭漁火出城角鼓聲傳飲倦方貪睡寒威上  
毳氈

飲碧雲寺三首

月落空林冷言僧已入定客子獨豪吟大擊雲  
堂磬

雲堂宜夜坐寂寂衆籟沉輕風忽度竹如奏雲  
和音

萬慮此俱忘妙香聞蒼荀悠然見我心無聲亦  
無色

別雲巖二首

欲假長房壺欲攜彌勒袋收拾雲岩歸滿袖烟  
霞在

纔從白嶽別復作黃山遊黃山望白嶽咫尺白  
雲浮

薛方詠

白水真人出箕山高士全不獨桐江釣能令九

鼎懸

孤賞

徙倚幽岩下  
清泉瀉我心  
鶴穿松竹影  
孤賞發清吟

乙巳除夜同吳上于年丈守歲賦得一年

將盡夜萬里未歸人十韻

深宵猶足娛  
莫嘆年華疾  
燭花初發時  
玉漏傳籌一

辛盤聊共醉  
此意却悠然  
多少長安客  
今宵著

度年

今夕誠何夕  
偏宜更漏長  
家人應祝竿  
百歲願相將

索米羞生計  
杖頭日以窘  
霜鬢漸催人  
斗酒憑君盡

已深濁世感  
復對歲華謝  
送故與迎新  
不寢問此夜

莫信鍊形盤  
持杯且繾綣  
百年強飯身  
六千并三萬

碌碌滯京都畢歲風塵裏知己各一方梅花寄  
千里  
命酌典未闌數問夜將既肅衣欲趨朝朝常陳  
與未

坐久渾無厭頻聽玉漏稀斑衣欣再整朝罷擬  
先歸

高堂雙白髮明日更添新只此情誰語應傳雁  
字人

苦雨四首

積雨庭為沼空梁茂草鼓天心何日歛極目未  
央宮

闡說郊原澗泱泱水接天算舟徵權者飛矢挽  
衍船

生靈需穴久況復苦濤靈曳尾憐魴頰寧無歎  
陸沉

災稔頻歲見祭祀苦難禳安得排雲手從空捧  
末光

又四時雜詠

又四時雜詠

幽花次第放鳥語自堪憐上苑明如錦東風快  
着鞭

荷開成碧障魚戲葉頻掀醉向池亭臥香生枕  
簟邊

當階梧葉墮松陰隔院來懷人千里遠愁絕莫  
登臺

瑞雪漫空舞寒威不可當爐中煨芋熟此味與  
僧嘗

巧谿漫興

林疎曉日寒樹淡秋雲淨不斷巧谿聲樵歌互  
相應

秋思二首

爽氣肅高旻雁字雲間落搔首淒復吟幽情苦  
離索

碧落光千頃蘆花照水寒攜尊對明月清影上  
闌干

吳門遠眺

不丁穿吳徑踟躕望越山白雲杳藹處極目忽

寧滄齋全集 卷之八  
五  
相關

鐘聲

獨坐秋光好  
纖雲淨不生  
山僧欣得句  
半夜起鐘聲

乍暑

麥候每清和  
山居驟煩暑  
人從北地來  
云方苦霑雨

贈鍊士

有丹不在鼎  
有火不在爐  
識得玄中妙  
神仙即

我徒

贈伴雲上人二首

夙慧證如來  
妙解優曇法  
接引衆多僧  
齊去叅菩薩

能解虎項環  
不落黑風船  
超然登彼岸  
吾以許祁連

題芥

性烈同姜桂  
香清勝蓼葦  
寄言肉食者  
銷滯頗相宜

百歲野仙

畦上餐霞客丰華百歲新不傳胎息法驕視玉  
堂人

題菜送廣文

禪悅堪呼友遠過玉版師携來同苜蓿清味恰  
相宜

月夜偶酌僧舍

坐月必傾酒題詩多惹僧邀僧友明月詩酒興  
偏增

獨臥

寒鴉栖深林勁栢挺孤翠獨臥聽寒鐘幽吟不  
成睡

七言絕句

擬謝賜櫻桃

含桃擎出赤瑛盤色瀉金珠帶月看珍重詞臣  
無可報傾葵祇有寸丹心

登旃香臺

躡屩穿雲上翠微旃檀香氣遠臺飛松頭飛鼠



寧濟齋全集卷之八  
時相競踏落松花點客衣

題山陰九里山四景

插天雙柱敞晴原直貫青熒歎鳥猿振衣不獨  
凌千仞就手排雲捧日溫

右天門

驅除扇窟開瑤島歎薄龍泉瀉玉池靜倚亭欄  
臨碧吐吸來清露勝三巵

右冷泉亭

屢屨山勢倚雲平奇石軒軒覆玉枰曾有清光  
相掩映坐來渾覺五雲生

右石室

日照鑪峰逼上台天風吹擁自蓬萊題詩絕頂

知誰到疑是星辰謫下來

右香爐峰

雪中偶作用皮日休韵

敵寒沽酒不論錢一醉終朝擁襍眠凍筆呵來  
難作賦但將短句餞殘年

淨寺晚坐

縹緲烟霞匝上方澄澄山色引湖光車塵不到  
鳥聲碎獨坐松陰納晚涼

贈法相寺衲雲上人

一聲振錫水雲開劈破源頭不染埃挂衲披雲

寧海齋全集卷之八  
誰是者依然法相坐蓮臺更不與卦雨外雲  
董孝子三首

欲報深仇矢志堅精堪貫日石堪穿幾迴血濺  
刀環濕一忍應知百行全  
祗將錫類酬親志故抑竒冤盡子情斬首已甘  
罹憲典徵書况敢濫塵纓  
徵君廟貌獨巍巍生氣從知永不灰邑祀久虛  
人意嘆溪流一脉自滌涸

詠史二首

名飲千秋號七賢風流狂態至今傳可憐荆棘  
銅駝見獨罪寧馨作禍先

羽翼潛成出漢宮留侯絕口不言功後來亦有  
扶輪手翻入危疑罪案中

俠客行二首

但說恩讐不顧身相逢一諾借交貧明朝匕首  
沙場去盡脫衣裘報主人

五陵年少最相親險路當頭獨挺身聞說古來  
不平事幾迴熱血噴前人

不十明妃曲四首  
大漠風高甲馬驚  
紅顏何事出邊城  
漢人飲泣胡兒笑  
吹入琵琶欲亂鳴

怨粉愁香淚暗彈  
羞將漢曲媚呼韓  
穹廬帳底風光好  
只恐和戎盟易寒

強顏銜命去和親  
猶勝當年降虜臣  
百萬健兒無敢用  
空將舞袖障胡塵

琵琶難訴別時情  
薄命拚從胡地傾  
但恐紅顏銷落後  
更無廟筭作長城

初登白嶽

曳杖穿崑向碧霄  
雲生足下亦逍遙  
空中隱度琅玕曲  
洞口還疑鸞鶴邀

天門楠木

森森古木掩天門  
榦拂層霄不可捫  
世上滄桑更幾劫  
真人手植至今存

榔梅庵

榔梅深處有仙蹤  
雲去雲來與鶴逢  
振衣一上瞻天閣  
恍駕罡風馭白龍

傑閣高甍入紫清憑欄獨眺夕陽明滿城圖書  
羣山色撲地絃歌萬籟聲

江南梅花二首 館課

窮陰歷盡見陽回幾度寒梅帶雪開遙憶故園  
花發處憑誰折寄一枝來

江南江北一般春底事梅花早襲人一自揚州  
何遜去隔江遙送幾香塵

夏日即事

為厭塵囂特屏居炎天兀自理羣書晚來乍透  
紗窓月羸得襟情自灑如

謝劉念庭觀察詠朱藤花二首

長藤隨意老蒼山爛熳花飛松柏間何幸台星  
一臨賞氤氳紫氣護斑斕

夢集謝池曾賦草花生江筆絢流霞却憐埜卉  
題新句博物從知屬大家

溪上

曲徑清幽遠俗囂數竿修竹韻蕭蕭溪聲隱映

寧波齋全集卷之八  
流雲響坐對浮鷗百慮消

對奕四首

別墅開枰坐午風勝于劇飲醉朦朧近來無事  
耽翻局猶恐機心動局中

箇中決勝良堪喜敗亦何須苦較論莫道大蘇  
不解奕奕旨無如此一言

從來對壘亦謙冲一着無心偶得雄何事旁觀  
多側目欲移黑白變西東

九枰曾竭積薪思何補唐皇幸蜀昔李憨只須

隨手應形神憤憤亦奚爲

冬日即事

用白樂天體

毳帽貂裘煖禱壇圍爐獸炭繡屏前飛觴暢飲  
燈前醪多少村家未起烟

龍井訪伴雲上人已示寂一年矣

白雲堆裏掩禪扉花自開時鳥自飛爲問雲邊  
誰作伴空庭寂寂落松暉

謝馮兌川別駕詠牡丹

笑領春光國色奇每供詞客賦新詩欲酬佳句

愁輕落分付封姨好護持

山寺

古樹山頭蕭寺出野橋跨澗水  
沕滴紅塵遼絕足音稀應有  
高人來築室

送張成叔待書還南三首

迢迢去路水天長贏得騷人詩  
滿囊此際江南鱸正美尊前若  
個共君嘗

張克風月朗宏才歸去聯吟水  
竹隈寂莫故人千里望早攜東  
箭上金臺

送君歸去兩重陽一度江關一  
故鄉明歲登高還遲汝陶然共  
醉菊花觴

重經法相寺訪衲雲上人相遇

衲雲方丈管留題今日重過僧  
不知唯有松聲與流水相逢猶  
似舊來時

賦得新梅二絕贈姚汝行長君入泮

陽回大地漸生春破臘寒梅秀  
色新天上領春原有屬獨先萬  
木露風神

香風陣陣送春來摠領羣芳次  
第開謾道新枝

寧海齋全集卷之八  
多異色老梅原是百花魁  
秋宵風雨二首  
風雨  
夜聞風雨妬花聲  
減盡蘭蓂與菊英  
欹枕五更猶未寐  
滿園荒落不勝情  
聞說名花雨後香  
那堪風雨一齊狂  
獨憐松柏年年翠  
歷盡寒風傲雪霜

題光霽堂爲鄭讓卿

堂開光霽臨濂水  
坐對南山清入几  
主人深居愛讀書  
風月灑然襟袖裏

閨思二首

花香細細入蘭房  
倦倚鸞臺未理妝  
好鳥枝頭如有意  
聲聲却爲妾呼郎  
向晚微涼暫解炎  
蘭湯初浴體纖纖  
手持紈扇登樓坐  
又恐秋風乍入簾

寧澹齋全集卷之八 終

...之不...  
...也...  
...矣...  
...矣...  
...矣...

卷之八



鐵